The book cover features a stylized illustration of a tall, dark evergreen tree on the left side. In the upper right quadrant, there is a large, pale yellow circle representing the sun or moon. The background is a solid teal color with some faint, scattered dark specks. The text is positioned in the lower right area of the cover.

Иван КОДАНЕВ

ЮГЪІД ВОІЯС



Иван КОДАНЕВ

Коми АССР г. Сыктывкар

СОЮЗ ПИСАТЕЛЕЙ

# ЮГЫД ВОЙЯС

НАТУРАЛИСТЛӨН  
ВИСЬТЪЯС

ШӨР АРЛЫДА ЧЕЛЯДЬЛЫ

КОМИ КНИЖНОЙ ИЗДАТЕЛЬСТВО  
СЫКТЫВКАР 1963



С  
К 57

ДЛЯ СРЕДНЕГО ВОЗРАСТА

*Иван Васильевич Коданев*

СВЕТЛЫЕ НОЧИ

На коми языке

Оформление В. Полякова

Редактор С. Морозов

Техн. редактор И. Цивунин

Сдано в набор 1/III-1963 г. Подписано к печати 5/VI-1963 г.  
Формат 60×84<sup>1</sup>/<sub>16</sub> 1,62 бум. лист. 3,25 печ. лист. (Уч.-изд. лист. 1,75).  
Зак. № 1080. Тираж 2000. Ц01149. Коми книжное издательство. Дом печати.  
Цена 5 коп.

---

г. Сыктывкар, Республиканская типография Полиграфиздата  
Министерства культуры Коми АССР



Коми АССР г. Сыктывкар  
СОЮЗ ПИСАТЕЛЕЙ

**В** О ГÖГÖР

«Югд войяс» — натуралистлөн пасйодъяс, кѳнѳ писатель Иван Коданев петкѳдлѳ серпасъясын войывса рѳднѳй природалысь мичлунсѳ. Книгалѳн мѳдѳд юкѳныс сѳдзи и шусьѳ: «Бѳвлавывса серпасъяс». Аслас дженъыдик висътьясын автор висъталѳ муяс да видъяс вылын олысь лѳбачъяс йылысь, вѳрса зверь-пѳткаяс йылысь, налѳн мичлун да пѳвадкаяс йылысь и дивитѳ сѳтшѳм йѳзѳс, кодъяс вѳчѳны вред фауналы, вѳрса овмѳслы.

Тайѳ неыджыд книгагыс уна интереснѳй да пѳлезнѳйтѳр тѳдмаласны природа радейтысьяс, песни чѳлядь-школьникъяс. Книгагыс лѳдзсьѳ школнѳй библиотека серияын.



## Т У Л Ы С Л Ё Н Л О В Ш Ы

Тулыс! Мыйта радлуныс да мичлуныс тайӧ дженъыдик кывъяс.

Помасис март. Лунъясыс лоины ёна нин кузьӧсь. Пыдӧстӧм лӧз енэжыс сӧстӧм, быттьӧ ваӧн мыссьӧма. Водз садьмӧ мам кодъ мелі шонді. Сявкнитас ассьыс лышкыд югӧръяссӧ вӧр-ва пасъта да заводитас тэрмасътӧг шывгыны тӧдса туйӧд. Быдлаӧ инмылӧ сылӧн пӧсь кывйыс: то нюлыштас вӧсныдык коркаӧн вевттысьсӧм лымсӧ, коді абу нин тӧвса еджыд, то небыдика малыштас пуяслысь вожъяссӧ, сарӧгӧсь кокъяссӧ.

Керка вевтъяс вылысь, лунывладорсьыс, исквтіс нин лым. Важӧн съодасисны туйяс. Шоньдджык лунъясӧ карса асфальтируйтӧм улича-



яе кузя писькөдчөны шоръяс. Найо визувтөны полігтырйи, оз на вермыны петкөдлыны ассыныс став вынсо.

Карса садъясо воисны нин шоньд муысь медводдза гөстьяс — съод ракаяс. Ас йывеыныс найо пыр жө юөртисны ён гөлөсъясөн: «Кар-р-р... Кар-р-р...» Ылөдз кылө надөн горзөмыс.

Локтөм мыстиыс съод ракаяс пыр жө босьтчөны удж бердө: дзоньталөны ассыныс позъяс; кодлөн оз нин шогмы оланіныс, заводитөны стрөитны выльөс, бурджыкөс. Овлө и сэтшөмтор, мый горщджык да мудерджык лэбач овмөдчас йөз позйө. Сэки нин ковмас вынөн вөтлыны сійөс. Дерт, та дырйи кыптывлө зык и кось.

Радейтөны ракаяс медясө джуджыд кызъяс, топольяс. Мукөд пуас тэчасны-стрөитасны нель-вит позйөдз: өтиясөс вылөджык, мөдъясөс — улөджык. Но быдөн төдөны ассыныс керка, некор оз сорсыны, ылавны.

Ывлаын лымъя на, а пышкай пукалө нин аслас позйын. Сылы өд гожөмбыдөн колө быдтысыны кык-куимысь, быть сэсса тэрмась.

Шонді лунъясө долыда ворсөдчө ичөтик визув пыста. «Пинь-пинь-пинь...» сьылігтырйи пуысь пуө чеччалө сійө да корсьө сёян. Пыста сёйны азым, луннас сійө бырөдө уна сө гаг, мортлы вөчө зэв ыджыд буртор.

Шонді пыр сотө ёнджыка. Вочасөн сылө-исковтө лым. Заводитөны уджавны шоръяс. Луннас найо ызгөны-сьылөны вом тырөн, войяснас — вашкөдөны-мойдөны надзөникөн.

Гудыр ваа посни шоръяс лун и вой писькөд-



чоны юяслань. Дундасны, лөзодасны Сыктыв да Эжва юяс. Йи вылө пуксыылас рака, кравзыштас, сэсся лэбзяс муяс вылө, медым луасыштны куйөд чукөръяс пытшкын.

Лунвылысь воас кузь бөжа, бархат сылиа сырчик. «Сийө абу ыджыд, а йи чегъялө»,— шуоны сы йылысь пöрысь йөз. Войвылө сырчик воө пырджык ва воссигкежлө, аскөдыс ыли муясысь вайө шоныд да радлун.

И со мөдөдчис йи. Йи пластъяс тәрмасыны, зычитоны, зильоны паныны өта-мөдсө. Съдасыөм гөрбсө тюльгыласны гудыр ва пытшкө, сувтласны дорышөн, люкыштасны ас дорсыс ичөтджык йиторъяс, поткөдасны найөс уна пеллө. Мукөд дырйи крукасясны кытчөкө, ю вомөн тэчасны джуджыд пос. Но визув ваыс вочасөн төчитө найөс, бара вөтлө водзө: Котласлань, Кардорлань<sup>1</sup>.


Посныдык юясысь позбө адзыны нин уткаясөс. Рыт-асывсө найө корсыны муяс вылысь сёян, өктөны зөр да сю тусьяс, боръясысь нетшкөны выльөн мыччысьөм турун.

— Турияс, турияс локтөны!— горөдас кодкө, и өтпөлөнад уськөдчан ывлаө, медым любуйтчыштны тайө кузь кокъяса, нюръяс вылын олысь ыджыд лэбачьяснас.

Чатөртан юртө пыдөстөм енэжлань, заводитан корсыны гораа горзысь туриясөс. Со и найө — Африкаысь, Китайысь, Индияысь локтысь гөстяс. Лэбзёны тәрмасытөг: тыдалө, мудзөма-

<sup>1</sup> Архангельсклань.





ось кузь туйон. Кымын море вомонод вуджисны, уна съоқыдлун паныдасыліс налы. Голяяссө нюждөмаөсь, шенасыоны паськыд бордьяснас, вөтчоны юрнуодысь бөрсяыс, сюся видзөдоны гөгөр.

И окота горөдны налы: «Локтөй жө, локтөй, турияс, стрөг, но гажа войвылө! Быдтысьөй да сөвмөй, местаыс, майбыр, тані тырмас!»

Онi видзөдлам, мый вөчсьө миян вөрьясын.

Карса уличаяс вылысь кө важөн нин сылі лым, ягын сійө куйлас дыр на. Торья джуджыд лымйыс сук козья вөрьясын, кытчө омөля веськалө шондi.

Асывьясыс, войясыс көдзыдөсь. Корсюрө армывлөны сэтшөм чарөмьяс, мый поэь мунны лым кузя не сөмын подөн, но и вөлөн. Сынөдыс сөстөм-сөстөм, он пөт лолавны. Пуяс вылын өшалөны сикөтш моль кодь йи войтьяс, кыммөмаөсь, виччысьөны, кор найөс сывдас шондi. Пуяслөн кокьясыс югьялөны, быттьө стеклөөн вевтысьсөмаөсь.

Водз садьмөны вөрса лэбачьяс да зверьяс. Тарьяслөн да чукчияслөн заводитчис нин гажа койтан кад. Шондi петтөдзыс на пөрысь съөд тар пуксяс өтка пожөм вылө да заводитас кургыны: «Ур-ур-ур, уру.» Ссылыштас, кывзыштас. Гөгөр кө лөнь, чукөстас ассыс ыджыд рөдвужсө, вокьяссө, другьяссө. И, быттьө команда серти, кутасны чукөртчыны тарьяс асланыс быд вося гажөдчан местаө.

Кымын шоньдджыкөсь луньясыс, сымын ярджыка-өнджыка койтөны тар-дозмөр. Койтьяс

кыссыны май төлысь помөдз, медводз дугдöны койтны пöрысь петукъяс.

Чукчияс койт вылö чукöртчöны рытсыяныс. Войбыд найö пукалöны пуяс вылын, кывзысьöны, видзöдöны. Ставыс кө лючки, койтны заводитасны шондi петöдз на. Гырысьджык койтъяс вылö чукöртчылöны 30—50 чукчиöдз. Торъянин гажа видзöдны, кор найö ыжъяс моз котралöны му вывтi: гырысьсö, мичаось, ёнось. Кодi адзылас тайö серпассö, дыр оз вунöд.

Сьöлаяс жö койтöны дзик мөд ног: параён-параён, а оз чукөръясөн, кыдзи таръяс да чукчияс. Быд пара кутчысьö аслас местаын, и адзасны кө сэтись мукöд сьöлаясöс, старайтчöны вöтлыны.

«Ти-уу-ти...» — асывъяснас частö кылан энь сьöлалась слабеник гөлөссö. Сийö жö здукас вочавидзас сылы и «кавалерыс»: «Ти-ти-тиу-ти». И жбыркнитас-лэбзяс сэтчö, көни кылö чуккасян шыыс.

Сьöлаяс аслыныс парасö адзöны арсяныс, и төвбыд олöны öтлаын. Койтигөн ай сьöла öдий омöльтчö, сэки сийö котралö да лэбалö зэв уна, а сийö этша. Энь сьöла жö асьсö кутö лөнджыка, видзö вынсö. Öд сылы ковмас уна лун чöж пöжны колькъяс, быдтыны ассьыс пиянсö, вердны-юктавны найöс.

Посныдык вöрса лэбачьяслы бара воис праздник, көдзыд төв коли бөрö. Найö сьылöны, чеч-



чалёны пу вожъяс вылын, шонтысьёны шондї водзын.

Сера сизь асывсянь да рытёдз корсьысьё вёрын, ён нырнас клёнгё кос пуяс кузя, өктё пу-чойясёс. Ай сизьлөн юрас вижоват шапка, энъ-ыслён — эзысь рёма рудов чышъян.

А кутшём гажаа сьылёны гёрд морёса жоньяс, асывбыд позьё кывзыны найёс.

Уна вежсьёмъяс вайё тулыс и зверьяс оломё. Ай йоралён заводитё быдмыны выль сюр. Энъ йораяс май-июнь тёлысьын пиянасьёны. Чарёма дырйи найё ветлёны омёля, мешайтё джуджыд лымйыс, олёны сэтшём вёрьясын, кытчё шочджыка веськавлёны йёз.

Апрельын пиянасьёны уръяс. Урпиян веситёны ставсё 7—8 грамм, и сёмын тёлысь мысти синмасьёны. Матё 50 лун мамыс найёс вердё йёлён. Кык тёлысь мысти, а мукёдыс и водзджык, урпиян энөвтёны ассыныс позсё, заводитёны овны ас кежас.

Тулысын унджык зверьясыс вежёны төвса паськёмъяссё: еджыд коч рудодё, ур лоё гёрдоват, сёмын кынём улас кольё еджыд гён.

Дыр узьём бёрын садьмё да петё гусыс ош. Гашкё, ещё на узыштис, да запасыс быри; видзис став госсё, кодёс чөжліс гожёмнас да арнас. Петё ёна омөльтчөмаён.

Лёсьыд прөйдитчыны тулысын вөрөд, кутшём унатор аддзылан да кывлан сэтысь. Вочасён вежкёдасны пуяс, выль паськёмён вөччасны расьяс, ягъяс, видзьяс.

Вөр-ваыс лоё мичаджык, гажаджык.



# ЮГЫД ВОЙЯС

Веж рөмөн вевттысисны пуяс, лудъяс. Купайтчыштөм бөрын выльысь мыччысисны видзьяс, тишотшыд юра посныдык кустьяс. Сөдзис юясысь ва.

Жара лолалө ывла. Ловзис гут и гаг. Небыдик төв шөйтө паськыд муяс вывтi, кытысь петисны нин көдзаяс да тэрыба заводитисны быдмыны.

Оз весьшөрө ов и Эжва, лун и вой вөтлө васө увлань. Сы кузя шлывъялөны теплоходъяс, парходъяс, катерьяс. Отияс нуоны да вайоны ветлысь-мунысь йөзөс, мөдъяс — уна сикас грузьяс, кодъяс колөны карьяслы и сиктъяслы, кой-мөдъяс ас бөрсяыс кыскөны гырысь пурьяс — кылөдөны вөр заводъясө, стройкаяс вылө.

Запаньясын сёр рытөдз пуө удж. Сутки чөжөн уна сюрс кер прөйдитас-мунас пурьясян станокъяс пыр.

Войывса югыд вой, кодi нө сийөс оз радейтi! Сы йылысь гижөма уна сзыланкывъяс, сийөн нимкодясбөны пöрысьяс и томъяс.

Уна рөма дзоридзьяс лэптисны ассыныс юрсө, налөн көть и дженьыд нэм помыс, а мыйта радлун вайоны йөзлы. Татшөм дзоридз вылас пуксяс малязи, кыскыштас сэтысь соксө, лэбөдас



аслас позйö, жырьясö-кудьясö тэчас, юмов ма сэгтысь вöчас.

Льöм пуяс вевттысисны еджыд кудрийöн, душитчисны, пудритчисны, быттö вöччисны празник кежлö. Друг, эн чегьяв найöс: öд и пуыслöн «доймö яйыс». Видз льöмлысь мичлунсö, мед и мукöдьяс нимкодясясны сийöн.

Регыдик кежлö и ойбыртлö-вошлö шондi. Некор сылы дырсö шойччыны, колö быдөнöс шонтыны, сöвмöдны, лэптыны кок йылö — няньяс и пуктасьясöс, турунöс и пуясöс.

Войясыс лөнньссь, шоныдöсь. Пукалан шатинöн ю дорын, вунöдлан уджтö и мудзтö. Шойччан, чукöртан вынтö, медым аски уджавны бурджыка, медым ёнджыка радейтны чужан му.

Пробкаыд сунгысьлас-вöйлö, лэптан весьт кузя ляпа. Гөрд бордьяса ёкышöс кыян, и йöрш, дерт, шедас тшöтш. А ыджыд ёдi да сын кө кутчысясны — радыдла йöктыны дась.

Петан берегö, öдйö ломзöдан би. Руд енэжö пуркнитас тшын, сьölöмыд, ки-кокыд пым. Сьодасьöм пöртйын шваркйö-пуö юква — аслад кы йöмтор. Весалан сэтчö картофель, пуктан лаврöвöй лист, шыбитан чепöль-мöд совтор. Со и юква дась, абу öд öш юр. Паньыштан öтчыд... мөдысь... Ыджыда курччан нянь. Вочасöн тыртöм-мас пöрт, да и кынöмыд пöt. Тайö сөстөм сынöдыс вердö, гортад кө эськö джынсö эн сөй

«Тюр-ли... тюр-ли...» — лыа кузя котралö вöсни кокьяса истан. Кокыштас мыйкö — котöртас водзö.

Паськыд бордьяснас шенасьö каля, сюся ви-



дзёдö, мый вöчсё ваян. Аддзас чериöс — сунгысълас сэтчö, тшапнитас-кутас. Эн ылав!

Энь пöткаяс, лэбачьяс — ставөн быдтысьöны. Войяснас гöпьясысь позьö аддзыны утка позтырьяс, пияныс кöть зэв на ичöтöсь, оз кольчыны мамысь. Гожöм помöдз найö быдмасны, кутасны лэбавны.

Ворсöдчö нин асъя кыа, помасис дженьыдик вой. Ёдияс, сынъяс садьмисны, корсысьöны сёйны. Чери кыйысь, эн вошты тайö кадсö!

Уна гöлөсьясөн горöдöны сывны лэбачьяс. Вугралысь пуяс костöд мыччö плешсö доналöм шар кодь шондi. Ловзьö вөр-ваис.

Сöмын налимьясöс некод оз гажöд, дзёбсьöмаöсь изьяс да колодаяс улö, вугралöны, вөрöдöны уссö, виччысьöны, кор кодзалас ва.

Кöнкö неылын шыасё постöм кök: «Кук-ку... кук-ку...»

Сöдз енежö кыпöдчылö кузь ныра енмеж. Петкöдчывлас и бөр вошö.

Гожöмын вель уна интереснöйтöрьяс позьö аддзыны и вöрысь.

Июль тöлысын тулан пиян лöбны нин мамыс кодьсö. Гырысьсöсь пияныс и вөрканьлөн, кодi олö пырджык ылi вөрьясын, ас кежын.

Ош пыр на йöлөн вердö пиянсö. Найö оз эновтны мамсö и арын, тöv кежлö ськöд водасны öти гуö.

Быдлатi шöйтöны йöраяс. Гожöмын налы зэв ськөкд: дöзмöдчöны лöдзьяс, номьяс. Та вöсна





и лоӧ ёна котравны, весиг дзебсясьны ваын.

Жар гожӧмъясын косьмӧны нюръяс да посни шоръяс. Пӧткаяслы, лӧбачьяслы лоӧ вуджны сэтшӧм местаясӧ, кӧнӧ оз бырав сӧян ни юан.

Корсюрӧ сьвкнитлас зэр, мыськалас пуясӧс, юкталас дзоридзясӧс, кӧтӧдас косьмӧм му.

Унатор позьӧ висьтавны тайӧ кад йывсьыс. Прӧстӧ оз шуны: тулысын гажа-гажа, а гожӧм-ын ещӧ на бур.




# ЗАРНИ АР

Сентябрь. Шонді көть абу нин гоҗся кодь мелі, но ывлаын век на шоньд. Мыйта выльторсө поэё адзыны арся лунҗясө миян паськыд пармаысь! Восьлалан небыдик нитш вывтї, азыма лолалан вөрса пөтөс сынөднас. Син водзад вежласьоны өти бөрся мөд серпасьяс: то мыччяслас вугралысь паськыд яг, то найөс вежасны том ныв кодь стройнөй поҗөмьяс. Найө сулалөны өта-мөдныскөд торйөн, тшапөс, өткодьөс. Шочиника паныдасяслас багатыр кодь ён ниа, сійө тыдалө медя ылөдз.

Кызд расьяс заводитөны нин вижөдны. Пөльыштлө кокныдик төвру, и пыр жө пуяс бердысь торйөдчөны косьмөм корьяс: бергалыштасны сынөдас да бобувьяс моз надзөникөн пуксялөны вазьом му вылө.

Асывьясые лөньөсь, ыркыдөсь. Кизьөриник ру дышиникпырысь лайкьялө шор весьтын. Пуяс сулалөны чөла, быттө полөны торкны пуксьөм лөньлунсө.





Надзёник восьлалан ылёдз нюждчём прёсе-  
ка кузя. Кётъ арнас ёна нин вотчисны, вотёсьяс  
паныдасёлёны зэв на уна. Гырысь чёд тусьяс  
личкёмаёсь корьяссё. Босьтан ки тыра роз, пук-  
тан вомад, ок, чёскыд! Дум вылад усёлё мамыд,  
кодї уна во сайын первойысь чёсмёдліс тэнё  
озйён либё өмидзён. Ылісянь аддзан лысваён  
мыссьём пув розьяс. Со и паськыд шапкаа гёрд  
гоб, сідзи и вёзйысьё пестерё либё наберушкаө.  
Путникьяс, ягсерьяс, ельдөгьяс саймовтчёма-  
ёсь нитш пөвстё, корьяс улё. Но дзебсян өмөй  
мортлён сюсь синьясысь?

Водз садьмёны вёрса олысьяс. Шондї петігён  
мыр вылын завтракайтё тшакён да колльён  
пельк ур. Ю дорё лэччылё юны йёра да нитш  
вылё кольё мёслён кодь кок туйсё.

Корсюрё прёсека бокысь кыпөдчывлө дозмөр.  
Ён бордьяснас швачөдчигтырйи сійё лэбзьё пуяс  
костөд. Кылан сёлалысь чипсасьёмсё, сувтан  
пу улё, дыр кывзысян. Сентябрын сёлә поз-  
тырьяс заводитёны нин разөдчавны мам дін-  
сьыс: быдмөмаёсь, сөвмөмаёсь да быдён нин  
вермёны овны ас кежас.

Ён нырнас кос кондаө таркөдө сьөд сизь, быт-  
тё поткөдлө пес. Кылас мортлысь кок шысё,  
ланьтыштлас өти здук кежлө, сэсся бара заво-  
дитас клёнгыны.

— А-а-а... А-у-у... — парма пасьтала юрөбтас-  
ны вотчысьясёлөн гөлөсьяс. И налы пыр жө  
вочавидзасны мукөдьяс.

Шочиника грымөбтылас лыйём шы. Вөралысь-  
лөн татшөм луньясад оз пукавсыс гортас.

Енэжод тэрмасьомөн шывгёны оръясьом кыморъяс. Мукод дырйи брызнитлас кодзыд зэр, а сәсся бөр мыччыяс дзебсьылөм шонді.

Дыр видзодан дзодзөгъяс лэбзьөм бөрся. Синьяснад колльодан найөс сәтчөдз, кытчөдз оз вошны. Сьөлөм вылад весиг лолө гажтөмкодъ, бытьө лэбачьяс прөщайтчөны тәкөд нәм кежлө.

Оз овны весьшөрө тайө каднас и зверьяс: заптөны төв кежлө кёрым, чукөртөны гөс, лөсьөдөны шоньд позъяс, көнi ковмас дзебсясьны уна төлысь чөж кодзыдьясысь, турөбьясысь. Вежөны зверьяс и гөннысө. Паськөм налы колө гөжся серти шоньдджык.



## И БАРА ПУКСИС ТӨВ

Вөралан керка бердын дрөжжитис-кынмис өтка кыз. Джодж дөра кодь векныдик туй вылын чурвидзисны корөгъяс. Ва гуранъяс дзебсисны юм кень кызта йи корка улө. Ывлаыс лои сусьджык-гораджык. Дугдис сьывны зумыш парма. Тыдалө, и сийө мудзөма пессьомысь. А гашкө, виччысьө мыйкө выльтор.

И со выльторйыс лои.

Мөд луннас едждис. Көч гөн кодь небыдик лымъя эшкын шебралөма кын мусө. Тшөтш и пуяс вежөмаөсь паськөмсө, ус-тошныс дзормөма. Да и сынөдыс мөд пөлөс: сөстөмджык. Гөгөр чөв-лөнъ. Позьө чайтны, мый дзебсьөмаөсь став вөрса олысьясыс.

Сөмын эн тэрмась тадзи думайтны. Муртса на удитан вешйыны вөр керка дорысь, көнкө матын шыасяс гөрд морөса жонь. И пыста садьмөма, лөбалө пуысь пуө, радлө.

Лым вылысь лыддян медводдза кок туйяс. Пөрөм пипу дорө удитөма нин волыны көч. Туй пөлөн котралөма сьөла, өктөма пув тусьяс, кодьяс абу на удитөмаөсь вошны лым улө.



Уна пѳлѳс кок туйяс аддзылан ягысь: йѳралысь, туланлысь, ручлысь, сьѳдбѳжлысь. Гашкѳ, эськѳ зверьяс оз кѳйыны петкѳдлыны, кодѳ кытѳ мунѳс, но быть лоѳ. Лымйыс тадзи тшѳктѳ вѳчны.

Лым ѳдйѳ содѳ. Войяснас вель частѳ шковѳдчѳ кѳдзыд.

Ур рудѳдѳма, сѳмын кынѳм улыс еджыд. Кѳдзыд луньясѳ да бушковьяс дырйи сйѳ лунтыр куйлѳ аслас позйын. Ъвлаын кызь градус кѳдзыд, а урлѳн патераас лов шы оз тѳдчы. Ветлан розьсѳ тупкѳма кос нитшкѳн, весиг тѳв оз веськав.

Тулан — войся зверь. «Лунын узьѳ, пемыднас кыйсьѳ», — шуѳны сы йылысь вѳралысьяс. Тайѳ зверыс кѳть и абу ыджыд, но пельк да сюсь. Войнас сйѳ частѳ уськѳдчывлѳ узысь урьяс вылѳ, куталѳ пѳткаясѳс, шырьясѳс.

Бѳрья кадас тайѳ зверыс ѳна паськалѳ. Миян пармаясысь быд во мѳдѳдѳны некымын тысяча шайт дон тулан ку. Сйѳс кыйѳны капканьясѳн, пицальѳн. Сѳмын медся сюсь поньяс вермѳны туявны туланѳс. Пуысь пуѳ чеччалѳмѳн сйѳ мунѳ некымын километр.

Войын жѳ кыйсьѳ сан — мудер да ѳн зверь. Сйѳ вѳралысьяслысь частѳ гусявлѳ капканьясѳ да петляясѳ шедѳм зверь-пѳткаѳс, но ачыс сѳтчѳ веськавлѳ зѳв шоча.

Миян вѳрьясын медся ыджыд олысь йѳра тѳлын сѳйѳ бадь да пипу, пельысь да сѳтѳр. Любитѳ и том пожѳмьясѳс. Ай йѳралѳн тѳвнас усьѳ сюрыс, а водз тулыснас найѳ бѳр заводитѳны быдмыны.






Ош узьö гуын. Пасьыс кöть сьлөн и шоньд, а тöлын бьвла вылын оз ов. Джуджыд лым вöсна сылы сьöкьд корсьны сёян. Гуын куйлигөн жö этша видзö вынсö. Гожöмын да арын чукöртöм госыс узигас тырмö тулысöдз.

Сьöкьд корсьны сёян и кöингьяслы. Та вöсна налы лöб кыйöдчыны сиктгяс дорын. То кутасны понийöс, то гидыс либö картаыс джагöдасны ьжöс. Уна лёктор вöчöны найö йöзлы.

Сьöдбöж да кöч еджыд пасяöсь. Пуксясны лым вылö, он и казав. Зато ылисянь аддзан гöрд ручöс. Гашкö, окота лоны казавтöмөн, да кьдзи тайöс вöчан? Öд төв и гожöм паськöмыс оз вежсьыв. Мыйөн чужис, сийөн и кулö.


Тöвнас сьöкьда овсьö пöткаяслы. Вотöсьяс саймовтчöны лым улö, быть лöб сёйны мый сюрас: лыс йыв, пу кор, гар. Узьлöны пöткаяс лым пытшкын. Лёкджык лунгьясö суткиясөн олöны сөнi. Джуджыд лым найöс видзö кьнмöмысь.

Абу кокньыдджык колявны кузь төв и тыясö да гöпгьясö йöрмысь черияслы. Кислород тырмытöм вöсна найö заводитöны пöдны. Ас кадö кö он розьöдлы йисö, унаөн кулöны. Кутшöм эськö вöли бур, школьникгяс кö отсалисны черияслы. Пасибö найö висгталасны.





**Ы** ВЛАВЫВСА СЕРПАСЪЯС





## Койт вылын

Теплоход торйөдчис Сыктывкарса пристаньысь да кутіс надзёникён шывгыны Сыктыв ю кузя. Колины карасин бакъяс, кодъяс, öта-мөд бердас топөдчөмөн, сулалісны берег пөлөн. Сыктыв öтлаасис аслас ыджыд чойкөд — Эжвакөд. Юыс ыджді-паськалі.

Ми, Мишө дедкөд, пукалім палуба вылын да нимкодясим киноын моз öдйө вежласьысь серпасьясөн. Лөсьыд тулысын ю вылын. Бадь кустьяс голяөдзныс пырөмаөсь ва пытшкө, сёлкөдчөны-купайтчөны. Вошөмаөсь берегъяс, лыа көсяяс. Рудөдөма муыс, сөмын увтас местаясын колыштөма лым, но и сійөс регыд нюлыштас пөсь шонді.



Сиктсаян кыйт вьлө мөдөдчим подөн. Пөрөм  
коз кузя вуджим визув ю. Нырө пыр жө өвтыш-  
тис төдса вөр дук. Берег дорын бөрдис доймөм  
кыдз, еджыд кок кузяыс му вьлө тэпкис-войта-  
лис сөдз зарава.

Восьлалім векныдик туйөд. Карын дыр олөм  
бөрын вөрын кажитчис кокни и лөсьыд. Кок  
улын лайкъялис көтасьөм нитш, лыс лапъяс ма-  
лалисны морөснымөс, гильөдисны кияснымөс. Го-  
раа сьылисны лэбачьяс, налы бара воис гажа  
кад.

Мишө дед көть аслас нэмөн адзылөма нин  
сизимдас кык тулыс — и сийө радуйтчис. Косі-  
ник чужөмсьыс чышкыштіс пөсьсө, шыльөдыш-  
тіс гөрдоват уссө, и дыр дзорьялис гөгөр. Мый  
думайтіс старик, сьөкыд висьтавны, гашкө,  
казьтылис ылө кольөм том кадсө.

Кыйт вьлө, кытчө нуөдис Мишө дед, ме муні  
дзик на первойыс. Та вөсна, көнкө, туйыс и ка-  
житчис вөвлытөм кузьөн. Сэн жө частө паны-  
дасьлисны шорьяс, нюрьяс. Кыкнанным өна му-  
дзим. Мышьясным кузя шорөн визувтіс пөсь,  
пельпомьяснымөс личкисны сьөкыд мешөк да  
пищаль. Но дед эз и думайт норасьны, корсюрө  
весиг заводитліс шмонитны.

Рытъядор воим пөчинокө. Ю бокын сулаліс  
эновтөм важиник керка. Сийө сисьмөма, пөлынть-  
чөма. Керкагөгөрсө муяс дзикөдз эжмөмаөс.  
Тані коркө овлөма аслас семьяөн кутшөмкө кре-  
стьянин. Сийө важөн нин мунөма вөрыс, а кер-  
каас уна во чөж некод оз ов. Гашкө нө, вөралыс



арнас узяс вой-мөд, либө вотчысьяс пыраласны шойччышты.

Өшинь улысь кыпөдчисны нель-вит катша, лэбзисны матиникө, пуксялісны зорөд пиньяс вылө да заводитісны сюся видзөдны мяян вылө.

— Вот и воим,— плешсьыс пөсьсө чышкыштіс дед, сәсся лэдзис пищальсө да мешөксө кильчө помө.

— Кытчө воим?— эг гөгөрво ме.

— Койт вылө.

Менам весиг серамөй петіс. Кутшөм нө койт вермас лоны керка дорын? Дед быттьө гортас локтіс, перйис мешөксьыс нянь да калбас, заводитіс ужнайтны.

Ывлаыс вочасөн рөмдіс. Ми пырим керкаө. Жугалөм өшинь пыр зэв бура кыліс юлөн сьылөмыс. Керка дорті лэбзисны некымын утка. «Сю-сю-сю...»— өдйө ылыстчисны налөн борд шыясы. Көнкө неылын чукөстчис истан: «тюр-ли... тюр-ли...» И сійө жө здукас мөд лэбач вочавидзис: «Лок татчө... лок татчө...»

Дырөн дзикөдз пемдіс. Сьөд эшкынөн шебрасис муыс. Мишө дед нюжөдчис джоджө, пунктіс мешөксө юрлөс пыдди, и регыдик мысти кутіс нин шкоргыны-узыны. Менам жө унмөй эз лок. Пускалі да кывзі төлыслысь надзөникөн пошиктөмсө. Көнкө горөдліс войся сюзь, сәсся бөр ланьтіс.

Вөрыс көть дзик орчча, пыр на эз веритсы, мый тані вермас лоны койт.

Дед садьмис асьявылыс. Чиркнитліс истөг, видзөдліс часі вылө, и сөмын сы бөрын тувкнитіс бокө.



— Чеччы, молодец, тарьяс регыд чукорт-  
часны.

— Катша да ракаясысь кындзи, өдвакө кодкө  
керка дорө локтас,— вочавидзи ме, но век жө  
муні старик бөрся.

Потшөс бокын, көні помасис муыс да заводит-  
чис вөр, муртса тыдаліс лыс лапьясөн вевттьөм  
неыджыд чом. Ми пырим сэтчө. Тані вөлі шо-  
ныд и небыд. Заводитлі варовитны дедкөд, но  
сійө өлөдіс, тшөктіс пукавны чөв.

Вочасөн менө личкис унмөй. Дыр-ө узи, ог  
помнит. Кор восьті синьясөс, чомйө письякөдчис  
нин лөз югөр. Дед пукаліс пидзөс вылас лэччы-  
сьөмөн да ичөтик розьөд видзөдіс ывлаө.

— Ракаясөс али мый лыддян?— заводитлі  
шмонитны дед вылын, но сійө жө здукас кыліс-  
ны төдса гөлөсьяс:

— Ур-ур-уру-ур...

«Тарьяс»,— долыда ёкнитіс сьөлөмөй. Воши  
унзільөй. Пукси дедкөд орчөн, видзөдлі гөгөр.  
Радөйла муртса эг горөд: шалашсянь воськов  
кызь сайын котралісны сьөд тарьяс. Шевгөдөма-  
өсь бордыяснысө, пасьякөдөмаөсь бөжьяссө, усь-  
көдчыласны өта-мөд вылас, зурөдасны морөсна-  
ныс, челядыяс моз ворсөны-гажөдчөны.

«Чуфыш... чуфыш...»— ылөдз юргисны петукья-  
слөн гөлөсьяс. А дед синьяссө эз вештыв на  
вылысь, пищальсө весиг абу босьтөма киас.

Чомсянь зэв матын котөртісны кык тар. Ме  
көсйи нин лыйны, но старик вашнитіс пельө:

— Эн тэрмась, любуйтчы пөттөдзыд.

Вот койт недыр кежлө ланьтыштліс, но здук мысти бөр нин өддзис важсьыс ёнджыка. Ми пукалім óta-мөд бердө топөдчөмөн. Кор ывлаыс дзыкөдз югдіс, өтпырйө моз шковөбтім-луйим. Ылөдз юковтіс йөлөга шы. Тшөкмунісны-ланьтісны таръяс.

Эз на коль и минут вит, лудыс бара шызис. Койт эз кус. Та бөрын ме лыйи ещө өти петукөс. Усьөм тар дінө уськөдчисны другъясыс, нетшкөны-пуркөдөны гөнсө, тыдалө, тшөктөны чечыны.

Со өти тар рисъялө дзык шалаш дорын.

— Лый, мый нө виччысян?

Но дед эз лый, пицальсө пуктіс бокас.

— Тырмас, колө и мөд во кежлө кольны.

Важөн нин петіс шонді, а ми век на пукалім. Жаль, регыд лэбзисны пөткаяс, дыр на эськө позис любуйтчыны.

— Öнi веритан?— мудера синъяссө читкыраліс дед.— Вөлөмкө, и керка дорын койтыд вермас лоны.



# Т ӨЛЫН УТКАЯС

Лунвывса шоньд муясысь волысь став лэбачьяс, кодьяс быдтысьёны Коми муын, арнас бөр мунёны татысь.

Посни лэбачьяс, истанъяс, уна пёлёс уткаяс сентябрь помын нин эновтёны войвыв. На бёрся лунвылө заводитёны лэбзыны сьовчожьяс, дзодзөгьяс, турияс, юсьяс. Медсёрён мунёны сьöd уткаяс.

Мукöд дырйи найöс аддзан на лым усьöm бöрын. Сук гöныс да кыз госныс видзöны найöс кынмöмысь.

Шочиника овлывлö и сiдз, мый ранитчöм либö асланыс табуньясысь торьялöм уткаяс кольчöны весиг тöвйыны.

Кызкö март тöлысь заводитчигөн мем аслам синъясөн удайтчылис аддзывны сьöd уткаясöс Койтыысь.

Вöли кодзых асыв. Посныдик кымөрьяс костöд мыччасис бледник шондi. Чукөрөн-чукөрөн сулалисны еджыд кудриа кызьяс, йöжгыльтчöмаöсь, оз весиг вөрзыштны.

Восьлалi ты пöлөн, кöсйи вуграсыштны йи пыр, кыйны ёкышгьясöс, йөршгьясöс. Неылын тыдалис восьсаин, кодi и тöвнас некор оз кынмыв: тыдалö, ключ петö. Тшын кодь ру пуркöдис-пе-

тіс сәтысь да дышиника руньгис лымйөн вев-  
тысьсөм берег пöлөн.

Эг на удит вöчны оськов кызь, осьса рысь  
кыпöдчисны уткаяс да öдйö вошины бадь кусть-  
яс сайö. Найö вöліны куимөн. Первойсö весиг эг  
кöйсы веритны: уткаяс? Тöлын?

Кызди нö найö вермисны терпитны нелямын  
градуса кöдзыдьяс? Коді видзис найös бушковъ-  
ясысь? Кöні дзевсясисны кузь войяснас? Мый  
сөйисны, кор став юяс да тыяс дзевсьöмаөсь кыз  
йи улö?

Недыр мысти паныдаси Койтыбöж грездса  
нывбабаяскöд, кодьяс локтісны турунла. Кор  
висьталі налы уткаяс йылысь, то ичмоньяс нöти  
эз дивуйтчыны. Налысь ме тöдмалі, мый утка-  
яс Койтыын олöмны тövбыд. Первойсö найö вöлö-  
маөсь нельöн, но кутшöмкö лөк мортлөн лыбöма  
кыис öтиос на пиысь лыйны.

А видзны эськö колі. Öд кутшöм уна сьöкыд-  
луньяс ковмис терпитны уткаяслы кузь, кöдзыд  
тöлын.

Нывбабаяс висьталісны и сы йылысь, мый ут-  
каяс унджык кадсö олöны турун зорöдьясын,  
дзевсясьöны лым пытшкын. Сöмын регыдик кеж-  
лö петавлöны сөйны осьса рьясö.

Дыр пукалі берег дорын. Окота вöлі выльысь  
видзöдлыны повтöм лэбачьяс вылö, но найö сідзи  
и эз петкöдчывны.



## ЕМВАЛЬ ЙЫЛЫН

Татшөм кос арсө, кутшөм вөлі 1959 воын, пө-рысь йөз и то омөля помнитөны. Гожөмбыд эз вөвлы прамөйджык зэр. Нюръяс, шоръяс — кось-мисны унджыкыс.

Сыктывкар бердса да Эжва пөлөнса вөръясысь зэв гежөдлаысь позис адззывны пув да тшак. Весиг турипув эз артмы тайө арнас, шондлөн пөсь югөръясыс сотисны-косьтисны найөс.

Ыджыд шор, коді визувтө Тур дачасынь некы-мын километр асывылө, дзикөдз косьмис. Пөт-каяслы да зверьяслы тайө местаясысь ковмис гожөмнас вешйыны гырысьджык юяс дорө.

Тайө арнас аслам другкөд меным удайтчис волыны 17-өд кварталө. Емваль ю йыв, кытчөдз Слөббөда посёлоксянь колө восьлавны куим час гөгөр, сідз жө вөлі дугдөма визувтны, сөмын пы-зан кузя гөпъяс кольөмаөсь кытөнскюрө.

Ылісянь на кылім каляяслысь гөлөсьяс. Найө вөліны унаөн. Лэбалісны отарө-мөдарө джынвы-йө косьмөм чукльөддысь ю кузя да частө уськөд-чывлісны гөпъяслань.

Во дас нин ме ветлөдла тайө местаясөдыс, но каляясөс татысь адззи первойысь. Мый кыкис найөс Емваль йылө? Өд Эжвасынь татчөдз этша вылө дас кык километр, а матігөгөрын некутшөм ю ни ты абу.

Мыйон матыстчим ю дорё, казялім татшомтор: быд посныдик гөптысь, кодьясёс жар шонді абу на удитёма дзыкөдз косьтыны, вирдыштлисны пань кузя сирпиян да налимъяс. Няйт гуранъясын тупляисны чери лыяс. Каляяс, тыдалё, уна лун нин чөсмасьёмаёсь тані чөскыд яйон.

Со вөлөм мыйла и воёмаёсь съод вөр шөрө Эжва да Сыктыв юясса гөстьяс. Коли гөгөрвотом отитор: кызд каляяс төдмалісны ю косьмомсё, коді юөртіс налы та йылысь?

## Сир

Миян юясын да тыясын олө медся горш чери — сир. Нэм чөжнас сійө бырөдө уна пуд чери. Сир сяммө кутавны и уткапиянөс, оз өткажитчы чөсмасьны весиг аслас посныдджык чойвокөн. Коді слабджык, надзмыдджык — өдйө вермас веськавны сирлөн лэчыд пиньяс улө. Мукөд дырйи заводитан керны, а пытшкөсас сылөн кык-куим чери.

Аслас горшлун вөсна сир быдмө зэв өдйө. Кык-куим килограмма сын да ёді кө шедлывлө шоча, сир веськавлө пызан кузя.

Тулысын сійө кульмө водз. Муртса на мөдөдчас йи, а сир пырө нин курьясө да посни юясө,

медым лэдзы пөксө важ турунъяс да бадь кустъяс вылө.

Эжва да Сыктыв юясын июнь тölысь шөрсянь сир заводитө босьтны кыснан, кодөс чери кыйысь кыскалө пыжөн ветлгөн.

Интереснө кыйны тайö горш черисö и спиннингөн. Мукөд дырйи час-мөдөн позьö кыйны некымын душ. Ёнджыка сийö босьтө шондi лэччандор либö водз асывнас. Корсюрö, торъя нин гудыр да лөнъ поводдя дырйи, бура шедö и луннас.

Тыясысь, куръяясысь сир позьö кыйны жерлицаясөн да öтка гырысь вугыръясөн, кодъясöс бурджык шыбитны берегсянь, кузь шатинъяс йылысь. Сам пыддиыс позьö самавны ловъя чериясöс, яйторъяс, лягушаясöс. Черияс пиысь сир ёна радейтö пöддязъясöс, яя мыкъясöс, гуринаясöс, кельчиясöс, йөршгъясöс, ляпапиянöс.

Слөбöда рейдса чери кыйысьяс, торъя нин челядь, сиръясöс кыйöны и шатинөн. Вöчöны тайöс сiдз: жилка помö кöрталöны вöсньыдик сутуга, кытчö и йитöны вугырсö. Сам пыдди пысалöны ловъя нигыль, кодөс позьö корсьны ю берегдорса вугшъяс улысь. Чери кыйысь босьтö шатинсö киас и надзöникөн ветлөдлө берег пöлөн, нигылысь жö веглясьö ва веркөсас. Чöскыд сам казьялём бöрын сир ньылыштö сийöс и пысасьö вугырас. Дерт, тадзи кыйсигөн ёнджыкасö шедöны посни сиръяс. Но налөн жö яйыс медся чöскыд.

Кодi кöсийö кыйны гырысьджык сир да венласыштны вынъяснас тайö ён чериыскöд, бур-



джык вөдитчыны спиннингөн либө жерлица-  
ясөн.

Водз асыв. Шонді койө ассыс югөрьяссө  
видзяс вылө. Тэ пукалан ты дорын да сюся  
видзөдан гөгөр. Чужөмтө гильөдө небыдик төв,  
син водзад — мича серпасьяс. Лэбачьяслөн дуг-  
дывтөм сьылөмыс, цветьяслөн уна рөмьясөн дзо-  
ридзалөмыс — ставыс радуйтө тэнө.

Дыр на, колөкө, нимкодясин ывлавывса мич-  
луннас, но со берег пөлөн сутшкалөм шатиньяс  
пиысь өтиыс друг дрөгнитис, копыртчылис ва  
бердөдз. Котөртан сэтчө. Пыр жө гөгөрвоан: кут-  
чысьөма чери.

Зілян кыскыны сійөс береглань, а: сир оз лок.  
Көсьян кодөскө чукөстны отсөг вылө, но яндзим,  
серавны кутасны: со пө черикөд матө воис.  
А ачылд гусьөникөн шөпкөдан: «Мед көть оз жө  
мын».

Медбөрын, сир мудзө. Сійө оз нин водзсасы,  
локтө сэтчө, кытчө кыскан.

И со турун пөвстын пеласьө гундыр кодь  
ыджыд хищник, паськөдлө вомсө, кучкалө бөж-  
нас. Тэ кутан сійөс кыкнан кинад, полан —  
пышьяс бөр.

Дыр кутан казътывны, кор тэнад шуд вылө  
кутчысяс татшөм ыджыд сир.

# М Е Д С Я И Ч Ö Т Л Э Б А Ч

Сявкнитіс шочиник шоныд зэр. Көтөдыштіс пуяслысь шоналыштөм лапъяссө, сәсся выльысь мыччысис шонді.

Синмөн судзөдны позьтөм съөд вөрсө прөсека торйөдөма кык пельө. Ляпкыдик мыр вылө пуксис ичөтик-ичөтик, пемыдвиж юра королөк да тэрыба кутіс кокавны гагъясөс, кодъяс дзевсьомаось сісьмөм мыр пытшкө. Мыйкө дыра мысти сійө котраліс нин косьмөм пу вылын, видзөдлас кырсьяс костө, дженьыдик нырсө скойлас быд щелльө.

Миян вөрьясын олысь лэбачьяс пиысь королөк медся ичөт, веситө ставсө некымын грамм. Дарөм тай ичөт, а сөйныс ён. Во чөжөн вөрьясысь сійө бырөдө миллионысь унджык гагөс да пучөйөс — мортлы вөчө ыджыд буртор, видзө пуясөс висьмөмысь. Таысь сылы пасибө позьө висьтавны.

Королөк позьялө пожөм да коз пуяс вылө. Ассьыс резинөвөй мач кодь гөгрөс позсө сідз өшөдас пу лапьяс костө — дінтіыс мунан, а он аддзы. Колькьясыс анькытш кодь посниөсь.

Тайө ичөтик лэбачсө аддзывлан зэв шоча. Сійө олө ёнджыка ылі вөрьясын. Öтлаавны кө королөкөс коми пармаса медся ыджыд пөткакөд — чукчикөд, сы дінын сійө эськө кажитчис «лилипүтөн». А пуктан кө найөс вески вылө, тыдовтчас татшөмтор: пөрысь чукчи съөкыдджык королөкысь матө тысяча пөв.



## С УЛАЛІС КОЗ

Тайё козыйс быдмис эз төлысь и эз во-мөд, а матё сё во.

Пуяс пөвстын сійё вөлі медся ыджыд, медся паськыд. Ни бушковъяс, ни көдзыдъяс эз повзөдны сійёс. Вылө лэптөма кудриа юрсө, сулалө багатыр кодъ ён.

Быд морт, коді мунліс тайё пу дінтіыс, сувтыштліс, нимкодясьліс сійён. Сійё пушкыртчөм лапъяс улын шойччылісны мудзөм войтыр, дзессылісны зэрысь тшак да пув вотысьяс, природа радейтысьяс.

Колөкө, дыр на сулаліс козйё-козйё, но притча суис. Гашкө, төв сійёс чегис, либө вөр лэдзысь кераліс? Эз. Сійёс пөрөдіс браконьер Трөпим. Артмис тайё тадзи. Сылөн понйыс коз вылысь заводитіс увтны урөс. Трөпим дзоръяліс синъяс доймытөдзыс, но зверөс сідзи и эз аддзы. Татшөм джуджыд пуысь сьөкыд сійёс казявны. Небыдик гөна ур вөлөма мудер.

Трөпим, шонъян, көсийс лыйны пу пөлөн, медым петкөдчис дзесбсьөм ур, но жалитіс дрөб-пороксө. Кучкис гоз-мөдысь пуө, но и та бөрын урөс эз аддзы.

Пищала мортлы позис эновтны дзесбсьөм зверөс, мунны водзө — пармаыс тай паськыд. Ур өти пуын овны оз кут, талун либө аски сюрө вө-



ралысьлы мушка вылас. Но кын сёлёма Трөпи-  
мыд шуис пөрөдны пусё.

Дыр ковмис керавны, абу өд вёсни пуыс. Век  
жё лэчылд чер вёчис ассыс уджсё. Дрөгнитис  
пушкыртчём пу, шатовтчыштліс ётарё-модарё, и,  
кудриа лапгьяссё чегьялігтырйи, грымгысис кын  
му вылө.

А ур пышйис...

Тані ёні некор нин оз шойчыны мудём вой-  
тыр, найёс некод нин оз дзеб зэрысь. Тадзи по-  
масис олөмыс козлөн: куйлө муын да сісьмө.

## О ЛІС-ВЫЛІС СИЗЬ

Уна во оліс вёрын быдёнён радейтана сизь.  
Тані сылөн горт, семья, быд пу и куст сылы  
төдса.

Водз садьмө удж радейтысь көзяин. Асывсянь-  
ыс колө прөверитны паськыд участок, эз-ё пуясёс  
заводитны тшыкөдны горш гаггьяс, пучойяс.

Сэзь лунгьясё ылөдз кылө вёрса телеграфист-  
лөн тотшкөдчөмыс: «тук-тук-тук...» Природа ра-  
дейтысьяс дыр кывзысясны тайё төдса шыас, вё-  
ралысь некор оз повзёд сійёс. Эз вөрөдлыны  
вёрса олысьёс миян батгьяс, дедгьяс. Та вёсна,  
гашкө, и сійё сэтшөм матөдз сибөдө йёзёс.

Вөрө, көні оліс сизь, волывлісны уна сикас  
йёз: өтияс пищальён, мөдгьяс — чергьясён да пи-  
лаясён, коймөдгьяс — пестергьясён, наберушка-



ясөн. Сизь некодлы лектор эз вочлы. Воласны и бөр мунасны. Абу жаль вöрыс. Öд йöзыс шаньöсь, төлкаöсь, мед кералöны пес, вотöны тшак да вотöс, шойчöны, лолалöны вöрса сöстөм сынöднас.

Тадзи эськö и коллялис ассьыс нэмсö сизь — уджалис, быдтис сизыпянöс, видзис пуясöс висьмöмысь. Но виччысьтөг шковöбтис лыйöм шы, и сийö жö здукас зиль сизь уси пемыд гүб. Вөлөмкö, абу став йöзыс шаньöсь.

## Войвывса пальма

Сьöрт грездянь неылын, нейджыд межа помын, уна во быдмис тшак да мича сус пу. Кутшöм бур морт садитлöма сийöс — некод оз тöд. Йöз костын ветлисны уна пöлöс сёрнияс. Öтияс висьтавлисны, мый пусö садитлис роч морт, кодöс царскöй чиновникъяс ыстылöмны войвылö, кызди революционерöс. Мöдъяс висьтавлисны, мый быдмис сийö кöйдысысь, кодöс вайлис Печораысь коми вöралысь. Вензыны ог кутöй.

Тöдса öтитор: сулалис сийö уна-уна во. Сус пуöс частö нартитлисны кöдзыд вой төв да васöдлым, корсюрö мыськавлис шоньд зэр да шонтылис мелі шондi. Сийö тöдлис йöзыслысь шогсö и радлунсö. Пу улын том йöз висьтасьлисны радейтчöм йылысь, пелька йöктылисны нывъяс, сьывлисны праздникяс дырйи олöма йöз.

Пушкыра «пальмаос» радейтлісны пöрысьяс и челядь, вöралысьяс и чери кыйысьяс. Пулön кыз вожьяс вылын, кодьяс шевгöдчылісны гөгөр, быд ар быдмисны гөгрөс кольяс. Найö ас дорас кыскисны челядьöс. Но судзöдны кольяссö вöлі сэтшöм жö сьöкыд, кызди джуджыд йирысь лэптыны биа из.

Век жö детинкаяс пиысь медся збойясыс да пелькъясыс кавшасьлісны пу вылö. И сэки важиник картузьяс, чериön да вотöсьясөн ляксялём зепьяс тырлісны сир дука чöскыд öрешкиön.

Сус пусö, дерт жö, медся радейтлісны челядь. Весиг сэк, кор детинкаяс пиысь öти, сьöд юрсиа Митрей, уси пу вывсыаньыс, ми эг вермöй кедзöвтыны войыввса «пальмаос».

Митрей дыр туплясис вольпасын, ымзис да ружтіс, но ми важ моз лэччывлім пу дорö да чукöртлім сус кольяс, кодьясöс сійö шыбитліс му вылö, сэсся нулім найöс висьысьлы. Миян друг регыд бурдіс, но джуджыд пу вылö некор нин эз кайлы.

Сійö кадсянныс коли комын воысь унджык. Ми лоим верстыö войтырön. Важön абу сус пу. Да и ичöтик Сьöрт грезд оз тыдав. Сэтчöс олысьясыс мунісны коді кытчö: öтияс карö, мөдьяс овмөдчисны орчча сиктö.

Но йöзыс абу на вунöдöмаось тайö тшап пусö, частö казьтылöны сійöс. Казьтылöны праздникьясö и прöстöй луньяссö.

Эг вунöд сійöс и ме. Мөдöд во öшинь улын быдмö томиник сус, кодöс вайисны геологьяс ылі Печорасянь. Быд пöрийö, кор ме матыстча сы



дорё, дум вылө усылёны челядь кадёй, аслам ёртъясёй.

Дерт, аслым оз нин удайтчы чёсмасьны чёскыд ёрешкиясён, но челядьёй да внукъясёй, тёдёмьсь, видласны найёс. И сэки бур кывъясён казытыштласны мортёс, коді садитіс тайё пусё.

## Л ЭБАЧЬЯСЛӨН СТОЛӨВӨЙ

Төв кежлө быд во ёшинь улө ме сувтёда ичөтик пызан. Тайё лэбачьяслы столөвөй. Найё ёбедайтёны, пажнайтёны сәні, а дон оз мынтыны. Лёсьыд — нинөм он шу. Гашкё, сы вёсна и векныдик пызан гөгөрысь пыр позьё аддзыны гөстьясёс. Найё чирзёны, чеччалёны, весиг корсюрё косьё волёны.

Татысь позьё аддзыны и гөрд морёса жоньёс, и мудер пышкайёс, и ичөтик пыстаёс.

Көть пызан вылысь и оз бырав сёян, а лэбачьясёк жё старайтчёны заптысьны. Сёясны-сёясны пөттөдзысь, сәсся дзебасны вомкөтшас зөр тусь либё нянь крөшки, и нуасны сійёс асланыс гуся йөртөдө, мөдысь кежлө. Запаснад өд гажаджык, таысь найёс видны оз позь.

А вот пышкай торья нин горш да мудер. Ачыс кө сійё пөт, мукөдьясё вёсна оз төждысь. Аддзас пызан вылысь пыстаёс, лэптас гөнсө, кутас эршасьны, горзыны: «Чик-чирик... чик-чирик... Мун татысь... мун татысь...» Он кёсйы, да лөб



мунны, быд крошки вѳсна ѳд он кут пинясыны да косясыны.

Ќтчѳд ме аддзылі татшѳмтор.

Бушкала вой бѳрын лѳбачьяслѳн столѳвѳй тыри лым улѳ. Асывнас сѳтчѳ нурьясыны медводз жбыркнитіс-лѳбис тѳдса пышкай. Сійѳ пуксис пызан вылѳ, видзѳдліс гѳгѳр, а сѳні, лымйысь кындзи, немтор абу. Шогѳдіс пышкайѳс. Мый вѳчны? Оз ачыс кут весавны лымсѳ, кокыс вермас кынмыны. Котралыштіс-котралыштіс, сѳсся лѳбзис потшѳс вылѳ да кутіс кыйѳдчыны.

Недыр мысти пызан вылѳ пуксис пыста. Сійѳ эз повзы пышкай моз, нырнас да кокьяснас заводитіс шыблавны лымсѳ. Мый кѳть и ичѳтик, а зіль, ѳти здукѳн кодйис гуран. Пышкай пукалѳ да гусьѳникѳн сералѳ: «Уджав, чѳйѳ, уджав...»

Со и лым улысь тыдовтчисны медводдза зѳр тусьяс. Ќні позьѳ нурьясыштны. Кокыштіс гоз-мѳдысь, а пышкай сѳні нин.

— Нѳрѳвитлы, чѳйѳ, ме первой кынѳмѳс тырта.

Пыста эськѳ заводитліс жѳ видчыны, колі пѳ тшѳтш отсасыны, но кывзас ѳмѳй пышкай. Сідзи и вѳтліс чѳйсѳ.

Мем жаль лѳи ичѳтик зіль пыстаыс.

# АЫР ТЭНЫД ОВНЫ, ЧУКЧИ!

Дженъыдось арся лунъясыд. Нель час на и вöлі, а ывлаыс заводитіс нин рөмдыны. Вöрын лунтыр ветлөдлөм бöрын мөдөдчи гортө. Пельпомъясөс личкисны пув тыра пестер да пищаль.

Патронъяс видзан сумкаын радөн-радөн куйліс 16 зарад. Лунтыр кыскалі сьöрысь пищальöс, повзьöді вель уна сьöла-тарөс, но лыйны ни öти пöткаөс эг вермы.

Оз прөстө шуны: вöтчан кык көч бөрся — некоднаннысö он кый. Ме, дерт, öти көчсö кыйи: пестер тыр лэччөді пув. Но тар шыдөн нуръясыштыны эз удайтчы. Нинөм он вöч, пöткаяс жö ассыыс няньсö сөйöны, некодлы абу окота веськавны вöралысь син улö.

Лэччи вөр кыскалан паськыд туйөд, кодös унаысь нин таявлі тулыс-аръяснас. Корсюрö сьавкнитлывліс шочиник зэр, сэсся бара заводитас пöльтны васөд төв. Вöрыс вочасөн гежөдмис, шочджыка кутісны паныдасылыны и чөдлач да пув розъяс. Сөмын гөрд шляпаа гут кулан тшакъяс сярвидзисны туй пөлөн.

Кок улын трачмуні-чеги кос ув. И сійö жö здукас, воськов кызь сайын, кыліс бордьясөн шенасьөм шы. Эг на удит лэдзны пищальöс пельпом вылысь, посныдык пуяс костысь кыпөдчис ыджыд чукчи. Ме чуйми: чукчи аскөдыс лэбөдіс неыджыд кос понөль. Но лэбзыны ылö эз вермы, уси бөр: тыдалö, личкис ковтөм грузыс.



Пестерёс өдйё пукті муё, кватиті пищальёс, котёрті сэтчө, кытчө пуксис пөтка. Вель дыр кынькъялі пуяс гөгөр, ачым мөвпала, кызди аски кута вильөдны дозмөр кок. Кытшовті мөдысь... коймөдысь. Но пөтка некөн оз тыдав, быттьө му пырыс мунис.

И сэки син улө уси сись конда. Матыстчи сэтчө, дрөгнитис сьөлөмөй. Месянь воськов куимнель сайын куткырвидзис сийө, кодос корси. Чукчи эз лэбзы, сөмын ёнджыка топөдчис конда бокө. Кык гөгрөс син видзөдिसны пищала морт вылө. Уськөдчи чукчи динө. Сийө көсийс лэбзыны, но эз вермы.

Топөди пөткаёс морөс бердө, а сийө некыз оз көсийс сетчыны, кучкалө менө бордьяснас, нетшыкысьө. Кокас тыдалис вөв сиысь путшкөм петля, кодлысь помсө көрталөма понөльө.

Лои гөгөрвоана: чукчи шедөма лэчкө, орөдчыны абу вермөма, но век жө путьмөма пышйыны понөльнас. Дерт, юрнас кө веськалі лэчкө, мынтөдчыны эз вермы.

Чукчиёс көсийс ловйөн лэччөдны гортө, но сәни жө өткажитчи аслам мөвпясысь. Сидзи нин сийө ёна мучитчөма, колөкө, кымын лун оліс тшыгйөн, дзевсясис зверьясысь, йөзысь.

Пөрччи коксыс петлясө, малышти сьөд юрөдыс, сәсся качөди вывлань. Чукчи, бордьяснас швачкөдчигтырйи, ылыстчис месянь, а регыд и дзикөдз воши.

— Дыр тәныд овны, чукчи!— сөмын и удити горөдны.

Татшөмторьясыд некор оз вунны.

# ТӨВСЯ ЛУНО

Лымйон вевтысьём видз вылын сулаліс веськыд кыз. Пулон вожьясыс еждөдөмаось, быттьо кудритчөмаось, вөччөмаось праздник кежлө.

Шуйгаладорсянь, көні чөла вуграліс козья яг, тыдовтчисны тарьяс. Найо лэбзисны уліті, тэрмасьтөг, посныдик чукөрьясөн. Кор воисны өткөн сулалысь кызд весьтө, вөчисны ыджыд кытш, сэсся пуксялісны пу вожьяс вылө.

Коля веськөдіс бинокльсө пу вылө. И син водзас пыр жө мыччисисны сьод да руд пөткаяс. Найо мыйкө дыра гогиөдлісны юрнысө, видзөдісны гөгөр, сэсся зіля заводитісны нетшкыны кыздысь гыртөм гарьясө.

Кызд вылын пукалісны өкмыс тар. Детина ставнысө найос адзис. Биноклын найо кажитчисны матынось, гырысьось. «Эк, пицаль кө эськө вөлі, кутшөм эм Степан дядьлөн». А тарьяс сөйисны и сөйисны, тыдалө, эз казявны детинаос. Коля пөрччис лямпасө, юждыштис кок увсьыс лымсө, саймовтчис ляпкыдик коз сайо и бара заводитис видзөдны тарьяс бөрся.

Тадзи сійо сулаліс вель дыр. Нем виччысьтөг мөдіс усьны сук лым, кыпөдчис төв, ставыс гудыртчис, шызис. И сійо жө здукас кызд вылысь кыпөдчисны тарьяс. Найо лэбзисны вөр ді до-



рөдз, и өти-мөд бөрся суналісны джуджыд лым пиё.

Вермис өмөй Коля мунны гортас таръяс дорё матыстчывтөг? И лямпасё сійё веськөдіс вөр ді-лань.

Еджыд лым вылысь ылісянь тыдовтчисны шапка пасьта розьяс. Коля руч моз кыссие сы-лань. Аслас сьёлөмыс тіпкіс сэтшөм ёна, быт-тьё көсйис чеччыштны морёс пытшкөссыс.


«Дарөм пөткаяс, кужоны, тай майбыр, дзев-сыны турөбысь. И кузь төвся войяссө найё кол-лялөны лым пытшкын. Мыйла нө оз кынмы-ны?» Коля ещө на көсйис матыстчыны, но эз удайтчы. Лым пиысь ыджыд шумөн кыпөдчис-ны таръяс да лэбзисны-вошины шувгысь вөр пытшкө.

Детина сулаліс да видзөдіс лым вылө. Но сэт-тысь некод нин эз лэбззы. Казяліс Коля и сэт-шөмтор, мый лым вылас өні тыдаліс эз өкмыс розь, а кык сы мында. Сідзкө таръяс вермөны бура ветлыны лым пытшкөдыс. Да и сюсь пе-ляёсь, кылөны мортыдлысь матыстчөмсө. Көсйис видзөдлыны таръяслысь патерасө да эз вермы, лымйис найёс тыртіс.

## Т У Р И П У В

Витөд час нин шөйті вөрын. Мудзи, тшыг, кө-таси. Компастөм, пищальтөм, няньтөм. И изтө-гөй абу, көтасис, ковмис шыбитны. Мөдөдча

веськыдыв — парма, шуйгавыв — бара парма. Воши. Первойсы аслам нэмөн.



Окота водны пу бокö, унмовсьыны, шойччыштны. Но сьөлөмöй висьталіс мөдтор: «Мун, мун, пропадитан». И муні. Надзөникөн восьлалі вугралысь вөрөд. Думайті гортөс, казтылі пөсь чай. Гудыр небесаөд шувгисны сьөд кымөръяс, матысмө рыт.

Кор дзыкөдз быри эбөсöй, водзын тыдовтчис төдса нюр — тасянь гортөдз вит километр. Пыр жө лои кокныдджык сьөлөм вылын, но кокъясöй эз көсийны мунны.

И сәки аддзи турипув. Сійö вөлі зэв уна, чим гөрдөсь, гырысьсөсь. Первойсө сөйи öти тусьөн, сәсся ки тырөн. А налы и помыс оз тыдав — гөгөр сярвидзөны, польгчөмаөсь, шомаөсь.

Заводитіс öдйө пемдыны, а ме некыдз огвермы энотны вотөссө. И кыськө пыр жө соді вынөй, быри мудзөм. Гашкө тэ, турипув, лечитін менө?

Восьлалі гортө муртса төдчыштана туйөд, а син водзын сідзи и чеччалісны вотөсьяс. Мый нө öні вит километрыд, ме и быдса кызьөс муна.

Аттьö тэныд, турипув.

## Кыдз

Öшинь улын быдмис кыдз. Быдмис дыр. Весиг ачыс Öксинь пөч вунөдіс, кор садитліс еджыд кока пусө. Унаысь воліс тулыс да ар, сотліс шон-

ді да усылі лым. Кыдз сѡвмис-нюжаліс, а Ок-  
синь — пѡрысьмис. Пѡчлѡн кос чужѡм вылас со-  
дісны чуқыръяс, а быдтасыслѡн петісны пыр  
унджык и унджык выль вожъяс.

Пашкыр мича пу! Тулысын сійѡ вежѡдас,  
кудритчас, арнас жѡ пу дорысь бобувъяс моз  
лѡбзясны вижѡдѡм-косьмѡм коръяс.

Оксинь радейтіс аслас киясѡн садитѡм пусѡ.  
Гажа тувсов рытъясѡ частѡ петавліс сы дорѡ.  
Пуксяс ляпкыдик джек вылѡ, шойчѡдыштас  
мудзѡм лы-сьѡмсѡ, казтыштас ныв-пиянсѡ, кодъ-  
яс лѡбачьяс моз разѡдчисны чужан позйысь.

Дивъя ѡні пѡчлы шойччыны: челядыс быд-  
мисны, почталъон быд тѡлысь гортѡдзис вайѡ  
пенсия. Кургѡ-олѡ, пѡт и шуда. Да и посѡлокса  
том йѡз радейтѡны гажѡдчыны кыдз улын. Му-  
кѡд дырйи вой шѡрѡдз пукаласны, сыласны. Пѡ-  
рысь морт оз дѡзмы, ачыс коркѡ вѡлі том.

Со и талун пѡч петіс шойччыны. Эз на удит  
матыстчыны пу дорѡдз, кынмис места вылас.  
Кыдзлысь чорыд кучиксѡ кодкѡ вундалѡма, ро-  
зъѡдлѡма, пу сьѡмѡсысь шорѡн визувтѡ синва.  
Пѡч уськѡдчис, рана вылас пунктіс ичѡтик кисѡ,  
сьѡлѡмыс тыри ыджыд скѡрлунѡн.

Бѡрдіс кыдз, бѡрдіс Оксинь. Вѡснъыдик сой вы-  
лас войталісны сѡдз синва войтъяс. Эз, нинѡмѡн  
эз вермы отсавны пѡч доймѡм пулы. Сійѡ весиг  
эз тѡд пакѡститчысь мортсѡ, коді ѡти лунѡн вѡ-  
чис кык дой: чѡла сулалысь кыдзлы да пѡрысь  
Оксинь сьѡлѡмлы.



# Суд

Бипур. Азыма ломалысь бипур! Кымын мортос сийо шонтө да косьтө. Кымын мортос чөсмөдө-вердө чөскыд шыд-рокөн, юквасн да чайон. Пось паччөр вылын моз сы дорын шойчывлөны, узылөны мудзөм вөралысьяс да чери кыйысьяс.

Мунöй гожся рытө Сыктыв либө Эжва кузя и вель уналаысь аддзанныд ворсөдчысь би костөр.

Би гөгөр пуksяласны чери кыйысьяс, варовитасны, шмонитасны. Унатор позьö кывны сатысь. Кымын вель морткөд удайтчылө төдмасыны ю дорын.

Медся варов сёрниасы, дерт, чериас йылысь. Көнкө да коркө быдөнлөн мынлөма гундыр кодь ыджыд сир либө ёдi. Кывзан сэтшөмторьяссө и аслыд быттьö тшөттш крукасьлөма татшөм чериыс. Кодсюрө сiдзи висьталасны-мойдасны, он көсйы, да лоö кывзыны. А эскан-ö? Сийö нин төнад делө.

И серамгясөн танi озырөсь. Сiдз козньыштасны — кынөм висьмытөдзыд сералан.

Субөта. Часiлөн стрелкаяе матыстчөны вой шөр кадлань. Лөня шлывгысь ю пөлөн, көнi сулалө запань, бара öзйисны кыйсысьясслөн югыд бияс. Азыма нюлө шоньд сынөдсө билөн кузь кывйыс. Сьөд киньяс бобувьяс моз лэбалөны юр весьтын. Таган вылын öшалө сьөдасьөм пөрт, жваркйö-пуö йөрш юква. Би дорын йөзыс сук.

Отяяс пукалоны, модъяс куйлоны либõ вугралõны эжа вылын. Сõмын õтнас Тарас Пискунов оз матыстчы йõз дорõ. Тапикасьõ бонаяс кузя, кõtь и чери оз шед, дугдывтõг зунясьõ продольникъяс дорын.

— Шойччы, Тарас, копрасьõмыдла гõрб быдмас,— горзõны кузь ныра мужиклы би дорын пукалысьяс.

— Гõтырыдлы треска нбõ...

А сийõ бытьõ оз кыв. Тæрыбджыка котралõ вильыд бонаяс кузя, самавлõ выль нидзувьяс.

— Горш и морт, вермас кõ, юсьяс став черисõ курыштас,— дивитана висьталõ карса учитель, кодї быд шойччан лун коллялõ ю дорын.

— Асьным мыжаõсь: важõн колї õлõдны, а то сийõ лунысь-лун вельмõ.

Тарас и збыльысь горш да мудер. Оз коль ни õти лун, медым поп кодь кузь плаща, вушйõм шляпаа мужик эз петкõдчыв запанын. Кор шедьштõ чери, сийõ некымын лун пукалас бонаяс вылын, оз сей ни узь. Омõльтчас, гõрд чужõмыс вевттысяс щõtьõн. Шедас ыджыдджык чери — сюяс мешõкас, мед некод оз аддзывает, и пыр лэдзас ваõ: полõ тшыкõмысь. Оз кõ шед, скõралõ, дугдывтõг куритõ, ерõ васа олысьясõс, кодъяслы веськодь Тараслõн видчõм-скõралõмыс. Мастер и пõръясьны да ошйысьны. Шедас õти ёдї — висьталас витõс. Мынас пань кузя сынпи — Тараслы сийõ кажитчõ килограммõн. Шедас кõ ыджыд чери кодлыкõ мõдлы, завидысла оз тõд, мый вõчны.



Унаён тѳдѳны сылысь ним, овсѳ, но некод мыйлакѳ оз ыдждѳдлы сійѳс тадзи. Син саяс сылѳн ѳти ним: «Шляпа». Горш мужикѳс тадзи шуѳны челядь и гырысьяс, карса чери кыйысьяс и запаньса олысьяс.

— Шеді, тыдалѳ, и «шляпаыдлы»,— ва вылѳ видзѳдліс чери кыйысьяс пиысь кодкѳ.— Стерлядь! Юрѳс сета керавны, абу кѳ стерлядь!

Бытѳѳ команда серти кыпѳдчисны варовытьсыяс. Бипур кушмис. Бонаяс кузя ставѳн Тарас дорѳ. Коді котѳртѳ, коді восьлѳн.

Кытшалісны мужикѳс. Тарас гѳгѳрвоис: эз прѳстѳ чукѳрмыны та мындѳм йѳз сы гѳгѳр.

— Вяя чериѳн тѳнѳ...— шыасис олѳма морт. Кѳсйис ыдждѳдлыны Тарасѳс ним-вичнас, но тшѳкмуні.— Стерлядь сідзкѳ шеді. Да тѳ эн дзѳб: видзѳдлам. Абу ѳд съѳд вираѳсь, ѳг керѳй.

— Сѳрад, нинѳм эз шед. Мый нѳ чукѳртчид, черияссѳ повзьѳдлад.

— Стерлядыд, дерт, чѳскыд, но кыйны сійѳс оз позь. Закон,— сѳрниѳ скйисис пыр чѳв олысь дядьѳ:— Ловья на, вай бѳр лѳдзам, мед быдмѳ. А то татшѳм ичѳтик черитѳ яндзим гортад нуны. Микулай, лѳдз...

— Видлѳй сѳмын, ваас ставнытѳ шыблала,— ныр розьсѳ паськѳдліс, а сингьясас помтѳм лѳглун.

Гораа шутѳвтѳм орѳдіс Тараслысь кывьяссѳ. И сѳк жѳ неыджыд стерлядьѳс бѳр шыбитісны юѳ. Сійѳ ѳвтыштіс бѳжнас, воши йирѳ.

Вермис кѳ эськѳ Тарас, уськѳдчис йѳз вылѳ, сѳмын тай оз лысьт. А вильыш зонгьяс лѳптісны

нин ваысь сылысь угодьёсö, заводитисны лыддыны вугыръяссö.

— Öти... кык... дас... дас вит...

— О, со вёлём мыйла тэныд чериыд шедö. Ми кыйсям нель вугыра донкаясөн, а тэ подольникъясад көрталöмыд кызь вугырöдз. Абу лёсьыд олöма мортлы горшасьны. Вай чинтав угодьёйдлысь кузьтасö: сідз нин этша чериыс.

Збойджыкъяс да ярджыкъяс горзисны, видисны гөрд чужöма Тарасöс.

— Вөтлыны сійöс ю вывсьыс. Öни жö тодымышкавны.

Тарас прамöякодь повзис. Мый босьтан тайö скөр йöзыслысь, вөтласны, нинöм он вöч.

Куньыштліс синъяссö, а аслыс кажитчис, мый сійö сулалö ыджыд залын. И судитöны Пискуновös оз судьяяс, а чери кыйысьяс асьныс.

## МЫЙЛА ДА МЫЙЛА?



Сергей воис сиктö гөститны. Тані олö сылөн дедыс Афанасий Яковлевич. Эз на удит дас нель арöса детина пөттöдзыс шойччыны кузь туй бöрын, кыдзи садьмөдіс сійöс дедыс.

— Чеччы, Öльöксеевич, ягö кайлам, тшак колö вотыштны.

Сергейлы эськө дыш чеччыныс, но лои кывзысьны: абу öд гортад.

Дедыс öшөдіс гөстлы ичөтик пестер, киас сетіс наберушка — и айда вөрö.



Водз садьмөма ягыс. Кылө нин вотчысьяслөн чуксасьомыс. Корскюрө гажаа да долыда сьылыштасны вөрса лэбачьяс.

Туй бокысь жбыркнитіс кутшөмкө сера пөтка да ыджыд борд шыён лэбзис сук вөрө.

— Сьолаёс повзьөдім, со эсийө козьяс пуксис.

Сергейлөн коть синъясыс томөсь, но сідзи иэз аддзы дзебсьөм сьолаёс.

Вужля дорті мунігөн дедыс сувтовкерис, гөгөртіс сәті, дыр видзөдіс.

— Тарьяс пуртікасьөмаёсь. Сідзкө, бара овмөдчөмаёсь асланыс местаясө,— төлкуйтіс аслас внуклы дед.

Вөлөмкө, вөрса пөткаяс — дозмөр, тар, сьола — не сөмын пуртікасьөны вужляяс дорын, но корсялөны да кокалөны посныдик изъяс. Пөткаяс зобйын артмө аслысьяма мельнича. Тайө отсалө налы өдйөджык изны-небзьөдны сөянсө.

Воисны неыджыд шор бокө, кодөс отар-мөдар боксяныс кытшалөмаёсь джуджыд кырьяс.

— Кежалам татчө ельдөг вотны,— шуыштіс дед да веськөдчис шор пөлөн.

Эз на удитны вөчны кызь воськов, Сергей аддзис паськыд шляпаа мича ельдөг. Пуктіс аддзөмторсө наберушкаас, котөртіс водзө. А дед сийө местаас кутіс бергавны-тапикасьны. Видлас бедьнас өтилаысь, мөдлаысь. И буретш сәтысь на аддзис Сергей бөрын матө дас ельдөг.

Детина думнас көсийө панйыны дедсө, сыысь унджык вотны. Сөмын тай оз артмы. Тшакьясыс быттө нарошнө дзебсьөмаёсь төдтөм детина-



ысь. Котралё-ризялө өти местасянь мөдө, а доз-  
ыйс пыр на тыртөм.

Деды музейса экскурсовод моз төлкуйтө сы-  
лы: «Ән тәрмась, пиук: аддзан өти ельдөг —  
корсь сэтысь витөс. Нитшгъяс да коръяс улө на-  
йө дзебсьөмаөсь».

И Сергей бара юасьө: «Мыйла? Мыйла?

— Быд тшаклөн аслас оласног.

Гөрд да виж гобъяс шыбитчөны йөзлы син во-  
дзө, еджыд гоб либө ельдөг дзебсьөны-саймовт-  
чөны, оз көсйыны петкөдлыны ассыныс поз-  
нысө.

Быд тшак радейтө-төдө ассыс места. Рыжик  
быдмө ёнджыка видзьяс вылын да матысса козья  
вөрын, ягсер да гөрд гоб радейтөны кыз  
расъяс, путник — увтас местаяс, масленникъяс-  
лөн бара жө асланыс места — сярвидзөны вөрса  
туйяс пөлөн, радейтөны эжмөм местаяс. Пон-  
тшакъяслы дзебсясьны нинөмла: некодлы оз  
ковны. Гашкө, сы вөсна и найөс позьө аддзыны  
быдлаысь. Ылөдз тыдалөны гут кулан тшакъяс.  
Найө сөмын ылөдлөны вотчясьясөс. Көть и ми-  
чаөсь, а ковтөмторъяс.

Лунтыр вотчисны дед да внук. Сергейлы көть  
унаысь ковмис шыасьлыны пөрысь морт дорө өти  
и сийө жө юасьөмөн: «Мыйла, мыйла?», но вөлі  
рад. Öти лунөн сийө төдмаліс зөв унатор.



5 коп.

